



Broj: 01-107/23
Vareš, 27.04.2023. godine

Z A P I S N I K
sa 24. sjednice Općinskog vijeća Vareš,
održane 30.03. 2023. godine

Predsjedavajuća OV pozdravila je sve prisutne.

Predsjedavajuća OV Vareš je pozvala vijećnika Ešrefa Likića, kojem je CIK-a dodijelila mandat, da pristupi davanju svečane izjave. Predsjedavajuća OV Vareš je pristupila čitanju teksta **Svečane izjave**, a vijećnik Ešref Likić je dao a nakon toga i potpisao **Svečanu izjavu**.

Vijećnik Ešref Likić je potpisao i Izjavu o upoznavanju i prihvatanju Etičkog kodeksa u budućem radu.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zakir Džafo, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Ešref Likić, Mario Mirčić, Nedžad Mušanović, Malik Rizvanović i Nikola Šimić.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 24. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Čedomir Jelić i gosp. Ibrahim Spahić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Stela Terzić, gosp. Mirza Fatić i gosp. Dragan Orozović i predstavnici medija.

Sekretar OV Leon Pavlović izvijestio je Vijeće da su na 23. sjednici OV održanoj 28.02.2023. godine donesena tri (3) zaključka koji su i realizovani. Postavljeno je devet (9) vijećničkih pitanja. Na sva pitanja podnosiocu i svim ostalim vijećnicima dostavljen je pisani odgovor.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Vijećnica Amela Brkić izjavila je da je dobila odgovor na postavljeno pitanje u vezi odlaganja ambalaže na javnim površinama, ali da se taj problem još nije riješio.

(Vijećnička pitanja i Inicijative)

Dario Dodik

1. Moje pitanje se odnosi na sanaciju zida uz rijeku Stavnju. Na mnogo mjesta zid se obrušio i već postaje opasnost. Da li postoji mogućnost da Općina angažuje nekog po Ugovoru o djelu i da se krene u sanaciju tog zida jer bi mogli doći u situaciju da se zid raspadne u potpunosti? A ako općinski organ nije u mogućnosti da to uradi, mislim da možemo preko mjesne zajednice uraditi potrebno i ja sam spreman financirati jedan dio od svojih sredstava samo da se krene u popravak, jer trenutna situacija zida je i ružna a i ugrožava sigurnost. (dato je pojašnjenje)

Amela Brkić

2. Građani Vareš Majdana se žale na neprovođenje Odluke koja se odnosi na zabranu dovoza, prerađivanje drveta na javnim površinama u gradskoj zoni koja je naseljena. Pojedinci vrše prerađu drveta unutar naselja. Zašto se Odluka općinskih organa ne sprovodi i u Vareš Majdanu? (dato je pojašnjenje)

Vijećnica Amela Brkić podnijela je **Inicijativu**:

Da se prema JU Dom zdravlja uputi Dopis ili Zahtjev za formiranje patronažne službe. Da bi imali malo ljepši odnos prema majkama i ženama. Mislim da to nisu neka prevelika izdvajanja i da naš Dom zdravlja već ima stručno osposobljen kadar za ovaj posao.

Asmir Čizmo

3. Na početku svog mandata postavio sam Inicijativu u vezi sanacije dječjeg igrališta, iako je više puta bilo postavljano i kao vijećničko pitanje od strane kolega i kolegica, kako bi se ukazala važnost jednog takvog prostora, koliko je važno da se taj prostor koji je namijenjen djeci renovira, jer ovakvo kakvo trenutno jeste nije u funkciji i može dovesti do ozljeda naših najmlađih sugrađana. Hoće li se u ovoj godini početi rješavati to pitanje?
4. Mogu li se iznaći sredstva da se fontana kod apoteke stavi u funkciju? Mislim da to nisu ogromna sredstva a uljepšalo bi naš grad.

Nedžad Mušanović

5. Pitanje bih postavio Općinskom načelniku. Postoji li ikakva mogućnost da se uradi sanacija metalne ograde kod Separacije? Ko je sada vlasnik te ograde poslije svih ovih privatizacija, da li bi se šta preko Ugovora o djelu moglo uraditi?

Vijećnik Malik Rizvanović podnio je **Inicijativu:**

Predlažem da se izvrši sanacija lokalnog puta Dabravine-Neprivaj koji je većinskim dijelom devastiran. (Inicijativa dostavljena i u pisanoj formi).

Emir Islamović

6. Stijena iza kamenoloma se obrušava svakodnevno i traži da Direkcija za ceste Ze-do kantona izađe na lice mjesta i da utvrde da li je sigurno kretanje i prolazjenje pored istog, jer u svakom času može doći do obrušavanja velikih količina stijena i do neželjenih situacija. Pitanje postavljeno Direkciji za ceste Ze-do kantona.

Sahudina Beganović

7. Na računu JKP d.o.o. Vareš prema građanima obračunava se potrošnja vode i održavanje kanalizacione mreže, građane interesuje šta se sve podrazumijeva što se tiče troška građana prema JKP d.o.o. Vareš a vezano je za isto, za kanalizacionu mrežu?

Mahira Brkić

8. Pitanje upućujem Službi za prostorno uređenje. Kao što je poznato OV je donijelo Odluku o svjetlosnoj signalizaciji u jednosmjernoj ulici, a sve s ciljem da naši građani mogu polagati vozački ispit u Varešu. Obzirom da imam informaciju da ništa nije još učinjeno po tom pitanju, tražim da mi se odgovori da li je realizacija krenula i ako nije zbog čega nije?

Nurdin Begović

9. Da li Općina Vareš ima u planu i kada izraditi tj. dobiti regulacioni i urbanistički plan? (Pitanje postavljeno pisanim putem).
10. Da li Općina Vareš ima u planu i kada izraditi tj. dobiti katastar podzemnih instalacija? (Pitanje dostavljeno pisanim putem).

Predsjedavajuća OV stavila je na raspravu Zapisnik sa 23. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 23. sjednice OV i nakon izjašnjavanja vijećnika konstatuje da je **jednoglasno sa 19 glasova „ZA“ usvojen Zapisnik sa 23. sjednice OV.**

Predsjedavajuća OV stavila je na raspravu prijedlog dnevnog reda 24. sjednice OV koji je usuglašen na Kolegiju Općinskog vijeća.

Nije bilo učesnika i predsjedavajuća OV stavila je na izjašnjavanje prijedlog dnevnog reda 24. sjednice OV i nakon izjašnjavanja vijećnika konstatuje da **je jednoglasno sa 19 glasova „ZA“ usvojen sljedeći**

Dnevni red

1. Izvještaj/Izvješće o izvršenju budžeta/proračuna Općine Vareš za period januar/siječanj – decembar/prosinac 2022. godine.
Izjestilac: Općinski načelnik.
2. Izvještaj o radu Jedinstvenog općinskog organa uprave Općine Vareš i Općinskog načelnika za 2022. godinu.
Izjestilac: Općinski načelnik.
3. Informacija o kreditnom zaduženju Općine Vareš i stanje otplate kredita sa 31.12.2022. godine.
Izjestilac: Općinski načelnik.
4. Prijedlog Odluke o utvrđivanju visine naknade članovima organa upravljanja Javnih preduzeća čiji je Osnivač Općina Vareš.
Izjestilac: Sekretar OV.
5. Prijedlog Odluke o izmjenama Odluke o naknadama vijećnika i članova radnih tijela Općinskog vijeća Vareš.
Izjestilac: Sekretar OV.
6. Prijedlog Odluke o izmjenama i dopuni Poslovnika o radu Općinskog vijeća Vareš (Novi prečišćeni tekst).
Izjestilac: Sekretar OV.
7. Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih budžetom Općine Vareš za 2023. godinu.
Izjestilac: Dragan Orozović.
8. Informacija o provođenju Strategije razvoja poljoprivredne proizvodnje na području općine Vareš za period 2019-2024. godine, za 2022. godinu.
Izjestilac: Dragan Orozović.
9. Informacija o projektima obnove stambenih objekata na području općine Vareš u 2022. godini.
Izjestilac: Ermin Musa.
10. Informacija o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.
Izjestilac: Čedomir Jelić.
11. Tekuća pitanja.

Ad. 1.

(Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2022. godine.)

Komisija za privredu, finansije i budžet na 11. sjednici održanoj 23.03.2023. godine jednoglasno je donijela sljedeći Zaključak:

- **Komisija nema primjedbi, daje pozitivno mišljenje na Izveštaj/Izvešće o izvršenju budžeta/proračuna Općine Vareš za period januar/siječanj-decembar/prosinac 2022. godine i isti se upućuje Vijeću na razmatranje.**

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik iznio svoje mišljenje i izjavio da neće podržati ovu tačku dnevnog reda.

Nije više bilo učesnika u raspravi i predsjedavajuća OV stavila je na izjašnjavanje Izveštaj/izvešće o izvršenju budžeta/proračuna Općine Vareš za period januar/siječanj – decembar/prosinac 2022. godine.

Nakon izjašnjavanja vijećnika predsjedavajuća OV konstatuje da je sa **17 glasova „ZA“ i 2 „SUZDRŽANA“ glasa usvojen**

Izveštaj/Izvešće o izvršenju budžeta/proračuna Općine Vareš za period januar/siječanj – decembar/prosinac 2022. godine.

Ad. 2.

(Izveštaj o radu Jedinственог опćинског органа управе Općine Vareš i Općinskog načelnika za 2022. godinu.)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik iznio svoje mišljenje i izjavio da neće podržati ovu tačku dnevnog reda o čemu je dao pojašnjenje.

Nije više bilo učesnika u raspravi i predsjedavajuća OV stavila je na izjašnjavanje Izveštaj o radu Jedinственог опćинског органа управе Općine Vareš i Općinskog načelnika za 2022. godinu.

Nakon izjašnjavanja vijećnika predsjedavajuća OV konstatuje da sa **8 glasova „ZA“, 1 glasom „PROTIV“ i 9 „SUZDRŽANIH“ glasova** (odsutan vijećnik Nurdin Begović) **nije usvojen**

Izveštaj o radu Jedinственог опćинског органа управе Općine Vareš i Općinskog načelnika za 2022. godinu.

Ad. 3.

*(Informacija o kreditnom zaduženju Općine Vareš
i stanje otplate kredita sa 31.12.2022. godine.)*

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća konstatuje uz Zaključak da je **Vijeće primilo k znanju**

***Informaciju o kreditnom zaduženju Općine Vareš
i stanje otplate kredita sa 31.12.2022. godine.***

Ad.4.

*(Prijedlog Odluke o utvrđivanju visine naknade članovima
organa upravljanja Javnih preduzeća čiji je Osnivač Općina Vareš.)*

Komisija za statutarna pitanja i propise na 20. sjednici održanoj 27.03.2023. godine jednoglasno je donijela sljedeći Zaključak:

- **Komisija za statutarna pitanja i propise nema primjedbi na Prijedlog Odluke o utvrđivanju visine naknade članovima organa upravljanja Javnih preduzeća čiji je Osnivač Općina Vareš i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o utvrđivanju visine naknade članovima organa upravljanja Javnih preduzeća čiji je Osnivač Općina Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“** (odsutan vijećnik Nurdin Begović) **usvojena**

***Odluka o utvrđivanju visine naknade članovima
organa upravljanja Javnih preduzeća čiji je Osnivač Općina Vareš.***

Ad.5.

(Prijedlog Odluke o izmjenama Odluke o naknadama vijećnika i članova radnih tijela Općinskog vijeća Vareš.)

Komisija za statutarne pitanja i propise na 20. sjednici održanoj 27.03.2023. godine jednoglasno je donijela sljedeći Zaključak:

- **Komisija za statutarne pitanja i propise nema primjedbi na Prijedlog Odluke o izmjenama Odluke o naknadama vijećnika i članova radnih tijela Općinskog vijeća Vareš i isti upućuje Vijeću na razmatranje, uz napomenu da ubuduće u obrazloženju stoji na čiji je prijedlog urađena odluka ako je postojao predlagač.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*uz dato pojašnjenje izjavio da neće podržati ovu tačku dnevnog reda*), Amela Brkić (*ispred Kluba vijećnika izjavila da Klub neće podržati ovu tačku dnevnog reda*), Općinski načelnik Zdravko Marošević, Dario Dodik (*replika*) i Mirnes Ajanović (*uz dato pojašnjenje iznio je svoj prijedlog da vijećnici ovu odluku ili odgode ili da je ne podrže i da se ista razmatra krajem godine*).

Zaključena je rasprava i predsjedavajuća OV stavila je na izjašnjavanje Prijedlog Odluke o naknadama vijećnika i članovima radnih tijela Općinskog vijeća Vareš.

Nakon izjašnjavanja vijećnika predsjedavajuća OV konstatuje da je sa **14 glasova „ZA“ i 5 „SUZDRŽANIH“ glasova usvojena**

Odluka o izmjenama Odluke o naknadama vijećnika i članova radnih tijela Općinskog vijeća Vareš.

Ad.6.

(Prijedlog Odluke o izmjenama i dopuni Poslovnika o radu Općinskog vijeća Vareš (Novi prečišćeni tekst).)

Komisija za statutarne pitanja i propise na 20. sjednici održanoj 27.03.2023. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjenama i dopuni Poslovnika o radu Općinskog vijeća Vareš (Novi prečišćeni tekst) i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izmjenama i dopuni Poslovnika o radu Općinskog vijeća Vareš (Novi prečišćeni tekst).

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Asmir Čizmo i Šaban Ibrišimović) **usvojena**

***Odluka o izmjenama i dopuni Poslovnika o radu
Općinskog vijeća Vareš (Novi prečišćeni tekst.)***

Ad.7.

(Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih budžetom Općine Vareš za 2023. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih budžetom Općine Vareš za 2023. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen**

Program utroška sredstava sa kriterijima raspodjele sredstava „subvencije za razvoj poljoprivrede“ utvrđenih budžetom Općine Vareš za 2023. godinu.

Ad.8.

(Informacija o provođenju Strategije razvoja poljoprivredne proizvodnje na području općine Vareš za period 2019-2024. godine, za 2022. godinu.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o provođenju Strategije razvoja poljoprivredne proizvodnje na području općine Vareš za period 2019-2024. godine, za 2022. godinu.

Ad.9.

(Informacija o projektima obnove stambenih objekata na području općine Vareš u 2022. godini.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o projektima obnove stambenih objekata na području općine Vareš u 2022. godini.

Ad.10.

(Informacija o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o ostvarenoj suradnji i realizovanim projektima NVO sektora sa područja općine Vareš s posebnim osvrtom na rad udruženja iz oblasti kulture i sporta.

Ad.11.

(Tekuća pitanja.)

Predsjedavajuća OV upoznala je prisutne sa pristiglom poštom i to:

1. Informacija o isteku mandata Zdravstvenom savjetu Općine Vareš (mandat istekao 15.12.2021. godine), broj:02/2-038/23 od 21.03.2023. godine, dostavljena od Službe za opću upravu, društvene djelatnosti i BiZ.

Predsjedavajuća OV predložila je i stavila na izjašnjavanje sljedeći

Zaključak:

- **Da nadležna Služba za opću upravu, društvene djelatnosti i BiZ u skladu sa članom 14. Zakona o zdravstvenoj zaštiti i članom 26. Statuta Općine Vareš, pristupi postupku imenovanja Zdravstvenog savjeta Općine Vareš.**

Nakon izjašnjavanja vijećnika predsjedavajuća OV konstatuje da je jednoglasno sa **18 glasova „ZA“** (odsutan vijećnik Mario Mirčić) **usvojen predloženi Zaključak.**

2. Ostavka na funkciju zamjenika predsjedavajuće OV, podnesena od zamjenika predsjedavajuće OV Mirnesa Ajanovića 30.03.2023. godine.

Predsjedavajuća OV izvijestila je prisutne da se Ostavka upućuje Kolegiju OV na izjašnjavanje i da se o istom Vijeće upozna na narednoj sjednici OV.

3. Zahtjev za dodjelu mjesta za parkiranje, broj 05/7-49-235/23 od 30.03.2023. godine dostavljen od ZZO ZDK Poslovnica Vareš. **(Zahtjev dostaviti Službi za prostorno uređenje na očitovanje i o istom upoznati Vijeće na narednoj sjednici OV).**

4. Odluka sa obrazloženjem o povlačenju članstva Sabine Librić, iz Komisije za izradu spomenika svim civilnim žrtvama rata na području općine Vareš, formirane od strane Općinskog vijeća Vareš, broj:01-3/23 od 07.03.2023. godine dostavljena od Udruženja logoraša „23. oktobar 93“ Vareš.

Vijećnica Sahudina Beganović ispred Komisije za izradu spomenika u svom obraćanju upoznala je Vijeće o dosadašnjem radu komisije i problemima sa kojima se Komisija

susreće u svom radu. Podsjetila je na zahtjeve Udruženja logoraša iz ranijeg perioda za izgradnju Spomen obilježja za sedam ubijenih logoraša iz Vareša. Zamolila je sve vijećnike da se uključe u raspravu kako bi se došlo do najboljeg rješenja.

Predsjedavajuća OV izjavila je da ovo vrlo kompleksna tema, i u vezi s tim zatražila je od vijećnice Sahudine Beganović kao predsjednice Komisije, (ako se i ostali vijećnici slažu) da Vijeću na narednoj sjednici OV, dostavi prijedloge, zaključke i obrazloženja da bi Vijeće kao zakonodavno tijelo moglo to uzeti u razmišljanje i razmatranje, odnosno tematski pristupiti toj problematici.

Vijećnica Sahudina Beganović izjavila je da će u narednom periodu Komisija javnim pozivom pozvati sve zainteresirane građane da se uključe u razgovor o ovoj problematici.

Vijećnik Dario Dodik u svom obraćanju uz pojašnjenje izjavio je da on podržava ideju za izgradnju jednog spomenika svim civilnim žrtvama rata na području općine Vareš.

Predsjedavajuća OV apeluje na sve vijećnike da se odazovu javnoj raspravi/okruglom stolu u vezi ove tematike.

Predsjedavajuća OV u ime Općinskog vijeća i u svoje lično ime čestitala je svim građanima islamske vjeroispovijedi predstojeći Ramazan Bajram, svim građanima katoličke vjeroispovijedi predstojeći blagdan Uskrs i svim građanima pravoslavne vjeroispovijedi predstojeći blagdan Vaskrs.

Sastavni dio ovog Zapisnika je audio zapis sjednice.

Sjednica je završena u 15.25 sati.

SEKRETAR

Leon Pavlović

ZAPISNIČAR

Azra Pijadžer

***PREDSEDVAJUĆA
OPĆINSKOG VIJEĆA***

Mahira Brkić